

四十四年冬海寇吳平劫掠入廉州界叅
湯克寬都指揮傅應嘉率舟師追之

四十五年春二月師次龍門追及於交趾破
之

隆慶二年春二月壬寅大雨雹

由武利至安東堂大如

人頭

三年秋八月己未合浦地震

萬曆四年合浦大饑 雷震海北雄藩坊

海北兵備趙可懷上分轄議未果行

議載奏議志內

冬十一月倭寇攻永安所城指揮張本固守

遂及海川營新寮關北海海兵備僉事督兵禦

之勢益猖獗殺狼目韋真官軍不能制

十二月副總兵張元勳追倭賊於廉州香艸

江大破之 夏四月靈山石六峯崩缺即西靈山

縣以此山得名

冬十月彗星見於西南中夜漸東南而沒

七年靈山縣石塘狼賊黃璋弟羅和尚構黨

作亂海北兵備僉事熊惟學以堆官劉子麒

率兵討之為賊所獲知府周宗武移檄諭之

乃還遂益兵剿之誅羅和尚黃璋弟陷死

八年擒覃雲明餘黨悉平

先是鄉民寧經仇訐知其必來報復

乃率眾潛斷其歸路官兵乘虛擣其巢穴雲明計窮食絕乃獲之知府周宗武撫其餘黨令守石塘請設山防官得專提調石塘犀塘賴以安寧皆宗武之功也

是歲設山防通判一員協守指揮一員築城

開市於石塘

十年秋八月烏兔那思蛋民盜珠永安所平

戶田治督兵捕之戰死海北分巡兵備薛夢

雷剿平之

立祠海上祀戰死千戶田治以為忠勇之勸

白暈見於西方自酉至亥而沒

次日戮那思賊蘇觀昇等

一百二十八

人於西市

十六年夏五月合浦大雨雹

十八年秋八月雷震合浦儒學明倫堂西屋

角

二十一年夷人莫登讓為黎氏所逐携其妻

僕來奔欽州知州董廷欽納之後潛遁他境

二十四年夏五月合浦饑疫知府林民悅發

倉賑之

時雷州府荒饑多饑死
無有殍者生者遷徙就食
廉州故疫

氣傳染
廉人

秋七月彗星見於西北

明年遣內官
開採珠池

二十六年遣御馬少監李敬開採珠池

其法
官六

民四官之六珠收進上用民之四給船
名府協助解支銀一萬二千
四百九十四兩有奇

二十七年詔仍採珠

二十九年春大旱巡按御史李時華奏禁用

里甲刻石永以為制

海北道公署燬於火

冬採珠

實支銀六千兩廣州府銀二千兩惠州府銀一千二百兩高州府銀一千二百兩廉州府銀五百兩

兩肇慶府銀一千三百兩廉州府五百兩堪進珠二千一百兩有奇不堪細扁歪小珠一千九百七十兩二錢賣銀解布政司貯庫抵充船隻工木之費

三十三年八月二十七日庚戌天霽而雨

時謂

之天泣是日採珠中官抵廉州

八月辛亥初昏有黑氣自西南經南斗河漢

間抵東北見西分而消

三十三年五月辛丑夜地大震

自後日震二次或數日

一震夜亦如之其震之始也多起於東南間有從東北者

冬十月戊申己酉連日欽州地震癸丑廉州

地震

自五月二十八日至十月二十日而止從古地震未有若此之久也

三十四年城欽州防城周垣三百丈有奇

三十五年夏六月乙巳颶風大作至丙辰復

作

按月令是月也温風至若十四日至二十五日甫一月之間經十日之內颶風雨作

豈非災乎

冬十二月二十七日交趾賊突陷欽州城廉

州指揮黨弘謨將兵禦之雷廉副總兵楊應

春兵及欽州而還潤洲遊擊張繼科自永安

發兵次葛藤山不進

交趾賊翁富構党乘小舟百餘眾至數千人經

龍門入州城遂陷百戶呂朝炯脫走吏目

裘挺然被獲隨釋學正李嘉諭罵賊而死

楊應春之兵止及欽境而還

於欽為遙制而永安去欽半日風帆可到

夷賊肆劫二口不去使率其舟師直擣其

虛賊必自救不暇况敢流毒乎及欽而還

張繼科次葛藤山不前使賊去復來如入

無人之境罪不容於死矣何以兵為

三十六年正月夷賊復侵欽州圍其城同知

曾遇指揮黨弘謨力保孤城有數十人望城

指畫謨引兵射殺之賊始退 二十八日夷

賊復寇中軍祝國泰百戶孔榕禦於龍門六

戰死之哨官朱子連戰於南屯之朱家巷死

之

是時守龍門哨百戶孔榕巡海軍把總祝國泰率舟師截其歸路是夜霧氣黑蔽

官軍以銃炮擊之賊死傷亦多及天明賊見我師船少外無援兵賊四面攻打我師

矢石皆盡二將俱死哨官朱子連戰於南屯亦死之聞者莫不傷感最可咎者在遊

擊之一部也遊哨提兵守海大小三十艘兵五六百人能於此時移駐欽境與龍門

東西相望賊必不敢深入何也龍門乃欽咽喉七十二徑為之門戶古云一夫守險

萬夫莫越况幾千人乎豈但聞之傷感雖談之亦切齒矣

敕總督兩廣都御史戴耀督安南都統使黎

維新併兵討賊三月令遊擊田 押廣肇中

營標兵併守東西二山兵劄廉州府遣副總

兵楊應春詣河洲踏看屯兵營地及進兵去

處歷四崗地方撫崗民募鄉導得兵九千人

秋九月命總兵官孔憲卿行征夷將軍事以

海南兵備副使蔡夢說監軍進兵勦賊帶管

海北兵巡道分守右布政使林梓留守欽州

推官李懋功隨軍紀功 是月進攻花封巢賊穴盤踞石山不克兵

及塗山翁富莫知所之兵船分四路大海無踪乃還